



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 11. Zakona o javno privatnom partnerstvu („Službene novine Zeničko-dobojskog kantona“ broj: 6/16“) te Uredbe o identifikaciji pripremi, ugovaranju i praćenju implementaciji projekata javnog-privatnog partenetstva („Sl. novine ZDK broj:03/17“), člana 13. stav 2. alineja 18. Zakona o principima lokalne samo uprave („Službene novine FBiH“ broj 49/06, 51/09) i člana 19.stav 1. tačka 2. Statuta Općine Breza („Službeni glasnik Općine Breza broj:8/09-Prečišćeni tekst“), Općinsko vijeće Breza na sjednici, održanoj dana 25.04.2018. godine, d o n o s i:

ODLUKU

o usvajanju planova potencijalnih projekata javno-privatnog partnerstva

Član 1.

Općina Breza kao javni partner u skladu sa odredbama Zakona o javno-privatnom partnerstvu utvrđuje Srednjoročni plan potencijalnih projekata javno-privatnog partnerstva za period 2018.-2020. godina (Prilog 1) i Plan potencijalnih projekata javno-privatnog partnerstva za 2018. godinu (Prilog 2).

Član 2.

Predmet javno-privatnog partnerstva (JPP), odnosno projekat koji se može uvrstiti u srednjoročni/trogodišnji i godišnji plan potencijalnih projekata JPP minimalno ispunjava slijedeće kriterije:

- Javna usluga koja je predmet potencijalnog JPP projekta je u nadležnosti javnog partnera koji priprema srednjoročni i godišnji plan JPP projekta.
- Potencijalni JPP projekat proizilazi iz jednog ili više sektora za koji postoji projektno-tehnička dokumentacija.

Član 3.

Planovi projekata javno-privatnog partnerstva prilog su ove Odluke i čine njen sastavni dio.

Član 4.

Odluka stupa na snagu danom objavljivanja u „Službenom glasniku Općine Breza“.

KATALOG JPP PROJEKATA 2018
SREDNJOROČNI PLAN POTENCIJALNIH JPP PROJEKATA
ZA PERIOD OD 2018 DO 2020 GODINE

Br.	PREDLAGAČ (naziv i sjedište javnog partnera)	Naziv projekta	Svrha i cilj projekta (navesti očekivano unapređenje javne usluge)	Referentni strateško- planski dokument (navesti naziv jednog ili više strateško-planskog dokumenta iz kojeg proizilazi predloženi JPP projekta, i pripadajući cilj/mjera/aktivnost)	Stepen razvijenosti projekta (Odaberi jedno iz padajućeg izbornika*)	Omogućena primjena čl. 18 ZJPP (Da/Ne)	Očekivani model JPP (Odaberi jedno iz padajućeg izbornika**)	Procijenjena ukupna vrijednost projekta (investicijski troškovi + troškovi održavanja + troškovi prenesenih rizika)	Kontakt osoba
1	OPĆINA BREZA	Javna rasvjeta na području općine Breza	Ugradnja LED rasvjete kroz modele elektro energetske uštede, a sukladno Zakonu o energijskoj efikasnosti FBiH ("Službene novine FBiH", broj 22/17)	Plan općinskog Breza 2018-2022.godine	3. Postoji adekvatan idejni projekat	Da	osnovni model JPP	260.000,00	Nermin Čosić 061 703 566 mail:nermin.cosic@hotmail.com
2	OPĆINA BREZA	Toplifikacija Breze Daljinsko zagrijavanje općine Breze obnovljivim izvorima toplotne energije iz arteskog izvorišta Sedra. Iskristiti raspoložive prirodne i turističke resurse kojima obiluje općina Breza i predmetna lokacija, te omogućiti povećanje broja turista koji iz raznih razloga, prvenstveno zbog banjskog liječenja i rekreativnih aktivnosti, posjećuju općinu Breza	Moderan, održivi fleksibilan toplifikacioni sistem koji će korisnicima smanjiti i spriječiti ugrožavanje zdravlja, ugodnu atmosferu za obavljanje poslova, pri čemu će se poštovati principi ekološke prihvatljivosti i Otkrivanjem termalnih voda, kao obnovljivog izvora energije, takvih kvantiteta i kvalitativnih karakteristika da se optimalnim tehničkim rješenjem i na ekonomski racionalan način mogu zahvatiti i distribuirati u sustav daljinskog zagrijavanja.	Plan općinskog Breza 2018-2022.godine	1. Postoji adekvatna analiza javne usluge	Da	osnovni model JPP	5.000.000,00	Nermin Čosić 061 703 566 mail:nermin.cosic@hotmail.com
3	OPĆINA BREZA	Zaštita od poplava na području Breza u vodotoku rijeka Stavnja	Uređenjem korita rijeke Stavnja, ali i drugim relevantnim tehničkim rješenjima, zaštititi živote i imovinu građana i privredno djelovanje od poplava na području Breza u vodotoku rijeka Stavnja	Program razvoja zaštite i spašavanja od prirodnih i drugih nesreća Zeničko- dobojskog kantona za period 2017.-2022.	0. Samo ideja	Da	osnovni model JPP	2.000.000,00	Nermin Čosić 061 703 566 mail:nermin.cosic@hotmail.com
4	OPĆINA BREZA	Održivo upravljanje komunalnim otpadom na području općine Breza	Smanjenje količine otpada koja se šalje na regionalnu deponiju i njegovo korištenje u svrhu pogonskog goriva za druge namjene	Plan općinskog Breza 2018-2022.godine	0. Samo ideja	Da	osnovni model JPP	3.000.000,00	Nermin Čosić 061 703 566 mail:nermin.cosic@hotmail.com

KATALOG JPP PROJEKATA 2018
GODIŠNJI PLAN POTENCIJALNIH JPP PROJEKATA

Br.	PREDLAGAČ (naziv i sjedište javnog partnera)	Naziv projekta	Svrha i cilj projekta (navesti očekivano unapređenje javne usluge)	Referentni strateško-planski dokument (navesti naziv jednog ili više strateško- planskog dokumenta iz kojeg proizilazi predloženi JPP projekat, i pripadajući cilj/mjera/aktivnost)	Stepen razvijenosti projekta (Odaberi jedno iz padajućeg izbornika*)	Omogućena primjena čl. 18 ZJPP (Da/Ne)	Očekivani model JPP (Odaberi jedno iz padajućeg izbornika**)	Procijenjena ukupna vrijednost projekta (investicijski troškovi + troškovi održavanja + troškovi prenesenih rizika)	Iznos budžetskih sredstava za aktivnosti vezane za pripremu prijedloga JPP projekta (u KM)	Kontakt osoba
1	OPĆINA BREZA	Javna rasvjeta na području općine Breza	Ugradnja LED rasvjete kroz modele elektro energetske uštede, a sukladno Zakonu o energijskoj efikasnosti FBiH ("Službene	Odluka o usvajanju i provođenju Prostornog plana Općine Breza za razdoblje od 2014. - 2034. godine	3. Postoji adekvatan i idejni projekat	Da	osnovni model JPP	260.000,00	50.000,00 KM	Nermin Čosić 061 703 566 mail:nermin.cosic@hotmail.com
TOTAL								260.000,00 KM	50.000,00 KM	

Annex 3

**KRATAK OPIS PROJEKTA
(INFORMACIJA O NAMJERI PROVEDBE JPP PROJEKTA)**

NAZIV PROJEKTA	NADOGRADNJA POSTOJEĆE JAVNE RASVJETE
PREDLAGATELJ PROJEKTA	Općina Breza
PROJEKTNI KOORDINATOR (ime i prezime, adresa, kontakt telefon i e-mail)	Čosić Nermin, Ul. Bogumilska 1. Breza, tel: 032/786-025, nermin.cosic@hotmail.com
SVRHA I CILJ PROJEKTA	Javna rasvjeta na području općine Breza
OPIS POSTOJEĆEG STANJA PREDMETNE USLUGE	Na području općine Breza u užem gradskom području postoji 820 stubnih mjesta sa 1.532 sijalice koje vrlo često pregorijevaju te prave veliki problem licima koja održavaju javnu rasvjetu. Ukupna mjesečna izdvajanja za javnu rasvjetu i njeno održavanje je oko 10.000,00 Km.
OPIS OČEKIVANOG STANJA PREDMETNE JAVNE USLUGE	Ugradnja LED rasvjete kroz modele elektro energetske uštede, a sukladno Zakonu o energijskoj efikasnosti FBiH ("Službene novine FBiH", broj 22/17)
OČEKIVANI JPP MODEL	<input checked="" type="checkbox"/> osnovni model <input type="checkbox"/> poseban model
OČEKIVANO TRAJANJE UGOVORA	<input checked="" type="checkbox"/> do 10 godina <input type="checkbox"/> 10-15 godina <input type="checkbox"/> preko 15 godina
PROCJENJENA UKUPNA VRIJEDNOST PROJEKTA	<input checked="" type="checkbox"/> do 15 miliona konvertibilnih maraka <input type="checkbox"/> preko 15 milion konvertibilnih maraka
STATUS PRIJEDLOGA PROJEKTA	<input checked="" type="checkbox"/> postoji projekat <input type="checkbox"/> samo projektna ideja <input type="checkbox"/> djelimično pripremljen prijedlog projekta (idejno rješenje /idejni projekat, studija opravdanosti) <input type="checkbox"/> donešena odluka o opredjeljenosti za uspostavljanje JPP
OMOGUĆENA PRIMJENA ČLANA 18.ZAKONA O JPP	<input checked="" type="checkbox"/> da <input type="checkbox"/> Ne
OČEKIVANI DATUM OBJAVE JAVNOG POZIVA ZA ODABIR PRIVATNOG PARTNERA	2018. godina

Annex 3

**KRATAK OPIS PROJEKTA
(INFORMACIJA O NAMJERI PROVEDBE JPP PROJEKTA)**

NAZIV PROJEKTA	Održivo upravljanje komunalnim otpadom na području općine Breza
PREDLAGATELJ PROJEKTA	Općina Breza
PROJEKTNI KOORDINATOR (ime I prezime, adresa, kontakt telefon i e-mail)	Čosić Nermin, Ul. Bogumilska 1. Breza, tel: 032/786-025, nermin.cosic@hotmail.com
SVRHA I CILJ PROJEKTA	Smanjenje količine otpada koja se šalje na regionalnu deponiju i njegovo korištenje u svrhu pogonskog goriva za druge namjene
OPIS POSTOJEĆEG STANJA PREDMETNE USLUGE	Velika količina smeča iz Breze odvozi u pravcu regionalne deponije Moščanica te na taj način izdvajaju velika sredstva, a ovim se otvara mogućnost upotrebe ovog smeča u svrhu pogorskog goriva
OPIS OČEKIVANOG STANJA PREDMETNE JAVNE USLUGE	Plan prilagođavanja upravljanja upravljanja otpadom za deponiju komunalnog otpada općine Breza te smanjenje količine otpada, a tim i ušteda sredstava iz općinskog proračuna
OČEKIVANI JPP MODEL	<input checked="" type="checkbox"/> osnovni model <input type="checkbox"/> Poseban model
OČEKIVANO TRAJANJE UGOVORA	<input checked="" type="checkbox"/> do 10 godina <input type="checkbox"/> 10-15 godina <input type="checkbox"/> preko 15 godina
PROCJENJENA UKUPNA VRIJEDNOST PROJEKTA	<input checked="" type="checkbox"/> do 15 miliona konvertibilnih maraka <input type="checkbox"/> preko 15 miliona konvertibilnih maraka
STATUS PRIJEDLOGA PROJEKTA	<input type="checkbox"/> postoji projekat <input checked="" type="checkbox"/> samo projektna ideja <input type="checkbox"/> djelimično pripremljen prijedlog projekta (idejno rješenje /idejni projekat, studija opravdanosti) <input type="checkbox"/> donešena odluka o opredjeljenosti za uspostavljanje JPP
OMOGUĆENA PRIMJENA ČLANA 18.ZAKONA O JPP	<input checked="" type="checkbox"/> da <input type="checkbox"/> Ne
OČEKIVANI DATUM OBJAVE JAVNOG POZIVA ZA ODABIR PRIVATNOG PARTNERA	2018. godina

Annex 3

**KRATAK OPIS PROJEKTA
(INFORMACIJA O NAMJERI PROVEDBE JPP PROJEKTA)**

NAZIV PROJEKTA	Zaštita od poplava na području Breza u vodotoku rijeke Stavnja
PREDLAGATELJ PROJEKTA	Općina Breza
PROJEKTNI KOORDINATOR (ime i prezime, adresa, kontakt telefon i e-mail)	Čosić Nermin, Ul. Bogumilska 1. Breza, tel: 032/786-025, nermin.cosic@hotmail.com
SVRHA I CILJ PROJEKTA	Uređenjem korita rijeke Stavnja, ali i drugim relevantnim tehničkim rješenjima, zaštititi živote i imovinu građana i privredno djelovanje od poplava na području Breza u vodotoku rijeke Stavnje
OPIS POSTOJEĆEG STANJA PREDMETNE USLUGE	Velika količina smeća koje se nekontrolisano baca u rijeku Stavnja uzrokuje vrlo česte migracije glavnog toka ove rijeke što za posljedicu ima potkopavanje obala i formiranje klizišta većeg i manjeg obima. Takođe, ovim deponovanim količinama otpada smanjenjuje se dubina Stavnje što se kao faktor vrlo negativno odražava kod velikog vodostaja rijeke i obimnim poplavama.
OPIS OČEKIVANOG STANJA PREDMETNE JAVNE USLUGE	Program razvoja zaštite i spašavanja od prirodnih i drugih nesreća Zeničko-dobojskog kantona za period 2017.-2022.
OČEKIVANI JPP MODEL	<input checked="" type="checkbox"/> osnovni model <input type="checkbox"/> Poseban model
OČEKIVANO TRAJANJE UGOVORA	<input checked="" type="checkbox"/> do 10 godina <input type="checkbox"/> 10-15 godina <input type="checkbox"/> preko 15 godina
PROCJENJENA UKUPNA VRIJEDNOST PROJEKTA	<input checked="" type="checkbox"/> do 15 miliona konvertibilnih maraka <input type="checkbox"/> preko 15 miliona konvertibilnih maraka
STATUS PRIJEDLOGA PROJEKTA	<input type="checkbox"/> postoji projekat <input checked="" type="checkbox"/> samo projektna ideja <input type="checkbox"/> djelimično pripremljen prijedlog projekta (idejno rješenje /idejni projekat, studija opravdanosti) <input type="checkbox"/> donešena odluka o opredjeljenosti za uspostavljanje JPP
OMOGUĆENA PRIMJENA ČLANA 18.ZAKONA O JPP	<input checked="" type="checkbox"/> da <input type="checkbox"/> Ne
OČEKIVANI DATUM OBJAVE JAVNOG POZIVA ZA ODABIR PRIVATNOG PARTNERA	2018. godina

Annex 3

**KRATAK OPIS PROJEKTA
(INFORMACIJA O NAMJERI PROVEDBE JPP PROJEKTA)**

NAZIV PROJEKTA	Geotermalna energija "Sedra"
PREDLAGATELJ PROJEKTA	Općina Breza
PROJEKTNI KOORDINATOR (ime I prezime, adresa, kontakt telefon i e-mail)	Čosić Nermin, Ul. Bogumilska 1. Breza, tel: 032/786-025, nermin.cosic@hotmail.com
SVRHA I CILJ PROJEKTA	Toplifikacija Breze Daljinsko zagrijavanje općine Breze obnovljivim izvorima toplotne energije iz arteskog izvorišta Sedra. Iskoristiti raspoložive prirodne i turističke resurse kojima obiluje općina Breza i predmetna lokacija, te omogućiti povećanje broja turista koji iz raznih razloga, prvenstveno zbog banjskog liječenja i rekreativnih aktivnosti, posjećuju općinu Breza
OPIS POSTOJEĆEG STANJA PREDMETNE USLUGE	Sada arteski izvire 32,0 l/sec geotermalne vode temperature 20 stepeni C koja nekontrolisano odlazi u rijeku Stavnja.
OPIS OČEKIVANOG STANJA PREDMETNE JAVNE USLUGE	Moderan, održiv i fleksibilan toplifikacioni sistem koji će korisnicima smanjiti i spriječiti ugrožavanje zdravlja, ugodnu atmosferu za obavljanje poslova, pri čemu će se poštovati principi ekološke prihvatljivosti i Otkrivanjem termalnih voda, kao obnovljivog izvora energije, takvih kvantiteta i kvalitativnih karakteristika da se optimalnim tehničkim rješenjem i na ekonomski racionalan način mogu zahvatiti i distribuirati u sustav daljinskog zagrijavanja.
OČEKIVANI JPP MODEL	<input checked="" type="checkbox"/> osnovni model <input type="checkbox"/> Poseban model
OČEKIVANO TRAJANJE UGOVORA	<input checked="" type="checkbox"/> do 10 godina <input type="checkbox"/> 10-15 godina <input type="checkbox"/> preko 15 godina
PROCJENJENA UKUPNA VRIJEDNOST PROJEKTA	<input checked="" type="checkbox"/> do 15 miliona konvertibilnih maraka <input type="checkbox"/> preko 15 miliona konvertibilnih maraka
STATUS PRIJEDLOGA PROJEKTA	<input checked="" type="checkbox"/> postoji projekat <input type="checkbox"/> samo projektna ideja <input type="checkbox"/> djelimično pripremljen prijedlog projekta (idejno rješenje /idejni projekat, studija opravdanosti) <input type="checkbox"/> donešena odluka o opredjeljenosti za uspostavljanje JPP
OMOGUĆENA PRIMJENA ČLANA 18.ZAKONA O JPP	<input checked="" type="checkbox"/> da <input type="checkbox"/> Ne
OČEKIVANI DATUM OBJAVE JAVNOG POZIVA ZA ODABIR PRIVATNOG PARTNERA	2018. godina

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09) i člana 19. Statuta Općine Breza („Službeni glasnik Općine Breza“, broj 8/09 – Prečišćeni tekst“, na prijedlog Komisije za izradu kriterija za vrednovanje sportista i sportskih klubova po rangui i nivou takmičenja, Općinsko vijeće Breza na sjednici održanoj dana 25.04.2018. godine donosi,

O D L U K U

o kriterijima, načinu i postupku raspodjele budžetskih sredstava Općine Breza iz grantova za sufinansiranje projekata udruženja u oblasti sporta, kulture, obrazovanja i drugih oblasti.

POGLAVLJE I – OPĆE ODREDBE

Član 1. (Predmet Odluke)

Ovom odlukom se utvrđuju kriteriji, način i postupak raspodjele budžetskih sredstava Općine Breza iz grantova za projekte u oblasti sporta, kulture, obrazovanja i drugih oblasti.

Član 2. (Aplikanti)

- (1) Sredstva iz člana 1. ove Odluke se dodjeljuju udruženjima (Udruženje - svaki oblik dobrovoljnog povezivanja više fizičkih ili pravnih osoba radi unapređenja i ostvarivanja nekog zajedničkog ili općeg interesa ili cilja, u skladu sa Ustavom i Zakonom, a čija osnovna svrha nije sticanje dobiti), fondacijama (Fondacija - pravna osoba koja nema svoje članstvo, a cilj njenog osnivanja je upravljanje određenom imovinom u općem ili zajedničkom interesu), nevladinim/neprofitnim organizacijama, sportskim klubovima, sportskim društvima, sportskim savezima i asocijacijama (u daljem tekstu: aplikant) koji su registrovani u Bosni i Hercegovini, imaju sjedište na području Općine Breza, za projekte koji se realizuju u interesu i na području Općine Breza.
- (2) Sredstva se mogu dodijeliti i subjektima iz stava 1. ovog člana čije je sjedište na teritoriji druge općine, pod uslovom da se projekat kojim se aplicira realizuje u interesu općine i u potpunosti na području Općine Breza.

POGLAVLJE II - JAVNI POZIV

Član 3. (Objavljivanje javnog poziva)

- (1) Sredstva se dodjeljuju na osnovu Javnog poziva koji objavljuje Općinski načelnik na prijedlog Službe za finansije, inspeksijske poslove i opću upravu.
- (2) Javni poziv za raspodjelu sredstava iz člana 1. ove Odluke se objavljuje u sredstvima informisanja i na zvaničnoj web stranici Općine Breza najkasnije 15 dana od dana stupanja na snagu Budžeta Općine Breza za tekuću godinu.
- (3) Javni poziv za raspodjelu sredstava traje 15 dana od dana objavljivanja u sredstvima informisanja.

Član 4.
(Komisija za odabir projekata)

- (1) Odabir projekata za finansiranje iz budžeta Općine vrši Komisija koju imenuje Općinski načelnik.
- (2) Komisija ima predsjednika i četiri člana.
- (3) Dva člana Komisije imenuju se iz reda zaposlenika Općine Breza, 1 član iz reda sportskih udruženja, 1 član iz oblasti kulture i 1 član iz oblasti obrazovanja.
- (4) Stručne i administrativno-tehničke poslove za potrebe Komisije obavljat će ovlašteno lice - zaposlenik Općine Breza, koje će posebnim rješenjem imenovati Općinski načelnik.

POGLAVLJE III – PROJEKTI PO OBLASTIMA

Član 5.
(Projekti i aktivnosti u oblasti sporta)

Sredstva iz člana 1. ove Odluke raspoređuju se iz sredstava „Grantovi neprofitnim organizacijama – sportska društva,“ za projekte i aktivnosti u oblasti sporta aplikantima koji se odnose na:

- a) Organizovanje i provođenje sportskih manifestacija djece, omladine i odraslih za koje je iskazan prepoznatljiv interes građana i Općine Breza,
- b) sportske programe i sadržaje za zadovoljavanje potreba građana i udruženja sa posebnim potrebama u Općini Breza,
- c) pripremanje, organizovanje, provođenje sportskih takmičenja i učestvovanje na sportskim takmičenjima,
- d) edukaciju, sportski odgoj i obrazovanje djece i omladine,
- e) aktivnosti koje promovišu amaterizam i volonterizam u sportu.

Izuzetno, sredstva iz člana 1. ove Odluke mogu se, osim sportskim klubovima, udruženjima, asocijacijama i savezima raspoređivati i za finansiranje istaknutih sportista pojedinaca, koji ostvaruju vrhunske rezultate u individualnim sportovima na području Općine Breza, a za potrebe učešća na sportskim takmičenjima u tim sportovima.

Prijava za dodjelu sredstava sportistima pojedincima se podnosi na posebnom obrascu, koji će biti definisan Uputstvom/Smjernicama za aplikante o načinu postupanja u postupcima prijave na Javni poziv za raspodjelu sredstava iz člana 1. ove Odluke.

Član 6.
(Projekti i aktivnosti u oblasti kulture)

Sredstva iz člana 1. ove Odluke raspoređuju se iz sredstava „Grantovi neprofitnim organizacijama - ostala udruženja,“ za projekte i aktivnosti u oblasti kulture aplikantima koji se odnose na:

- a) organizovanje manifestacija kulturno-umjetničkog i zabavnog karaktera za zadovoljavanje potreba građana ove Općine,
- b) promoviranje kulturno-umjetničkog amaterizma, volonterizma i očuvanje kulturno-umjetničkog identiteta,
- c) poštivanje demokratskih principa i standarda kulture, obrazovanja i promovisanje volonterizma i timskog rada,
- d) uspostavljanje saradnje među školama i multikulturalne školske razmjene,
- e) programe nacionalnih manjina i njihove kulture,

Član 7.**(Projekti i aktivnosti iz drugih oblasti)**

Sredstva iz člana 1. ove Odluke raspoređuju se iz sredstava „Grantovi neprofitnim organizacijama - ostala udruženja,„ aplikantima čiji se projekti i aktivnosti odnose na slijedeće oblasti:

- a) projekti koji imaju za cilj organizovanje edukativnih radionica, treninga, kampanja u cilju podizanja svijesti o važnosti cjeloživotnog učenja i promovisanje demokratije i standarda volonterizma,
- b) projekti koji se realizuju u cilju promocije zdravih stilova života školske populacije sa područja općine Breza, te prevencije ovisnosti, maloljetničkog nasilja, delikvencije i nasilja u porodici.
- c) projekti prema mladima Općine Breza (projekti omladinskih udruženja sa sjedištem na području općine Breza; udruženjima/fondacijama/institucijama koje rade sa mladima i imaju sjedište na području općine Breza, neformalnim grupama mladih uz administrativnu podršku udruženja sa sjedištem na području općine Breza).
- d) projekti koji imaju za cilj unaprjeđenje omladinskog aktivizma (razni vidovi edukacija, promotivne kampanje i kulturne sadržaje za mlade umjetnike).
- e) programe koji se odnose na sprečavanje nasilja i maloljetničke delikvencije,
- f) socijalno uključivanje djece sa poteškoćama u razvoju kroz realizaciju edukativnih i rekreativnih programa.
- g) edukacija i obuka o zaštiti okoliša
- h) poštivanje demokratskih principa i standarda kulture, obrazovanja i promovisanje volonterizma i timskog rada.
- i) programe koji se odnose na građanski aktivizam i uspostavljanje partnerskog odnosa između Općine Breza i građanskog društva,
- j) aktivnosti koje promovišu ravnopravnost spolova.

POGLAVLJE IV – PRIJAVA NA JAVNI POZIV**Član 8.****(Prijava)**

Sredstva iz Budžeta Općine dodjeljuju se isključivo na osnovu Javnog poziva kojeg objavljuje Načelnik Općine.

- (1) Prijavu na objavljeni Javni poziv aplikanti podnose Komisiji,
- (2) Prijava treba da sadrži:
 - a) popunjen obrazac/formular za aplikaciju,
 - b) rješenje o registraciji (ovjerena kopija),
 - c) uvjerenje o poreznoj registraciji (ovjerena kopija)
 - d) ugovor ili s bankom sa jasno navedenim transakcijskim računom (kopija),
 - e) kratak opis subjekta sa podacima o realizovanim projektima u posljednjih godinu dana,
 - f) podatke o kvalifikaciji kadrova koji implementiraju projekat (odgovorne osobe, saradnici, volonteri,)
 - g) projekat kojim organizacija aplicira za dodjelu sredstava, sa jasnom definicijom projektnog cilja, opisom potrebe, ciljne grupe, očekivanim rezultatima, aktivnostima, te specifikacijama troškova za realizaciju projekta,
 - h) uvjerenje o izmirenim doprinosima za zaposlene (ukoliko udruženje/klub ima zaposlenih) (original ili ovjerena kopija),

- i) bilans stanja i uspjeha za protekle dvije godine, ovjeren kod nadležnog organa (ovjerena kopija).
- (3) Aplikant može konkurisati na ukupan iznos vrijednosti projekta ili dio nedostajućih sredstava, što je dužan naznačiti u zahtjevu.
- (4) Aplikant može predati više od jedne aplikacije i jedne projektne ideje, ali u tom slučaju moraju se predati odvojeni prijavni obrasci i dokumentacija uz svaki od njih, te se iste vrednuju zasebno.
- (5) Ukoliko aplikant kojem su dodijeljena sredstva po Javnom pozivu, za prethodnu godinu nije dostavio izvještaj iz člana 15. ove odluke, ne može učestvovati u raspodjeli sredstava za tekuću godinu.

Član 9. (Prijavni obrazac)

Prijavni obrazac podnosi ovlašteno lice aplikanta i sadrži:

- naziv projekta
- puni naziv aplikanta (sjedište, adresa, telefon/faks i e-mail);
- oblik, datum, broj i mjesto registracije (za udruženja i fondacije)
- broj transakcijskog računa
- ime i prezime odgovorne osobe za provođenje projekta i njene/njegove kontakte
- kratak opis aplikanta (npr. misija, vizija i područje djelovanja)
- oblast na koju se odnosi projekt i opis konkretnog problema koji se rješava provođenjem projekta
- plan aktivnosti
- iznos cijelog projekta i udio koji se traži iz budžeta Općine Breza (pregled budžeta)
- ostalo (dodatne informacije o projektu, partnerima i budućim aktivnostima).

U skladu sa stavom 1. ovog člana, posebnim Uputstvom/Smjernicama za aplikante o načinu postupanja u postupcima prijave na Javni poziv za raspodjelu sredstava iz člana 1. ove Odluke će se definisati i urediti procedure prikupljanja i ocjene prijave, te propisati obrasci utvrđeni ovom Odlukom.

POGLAVLJE V – KRITERIJI ZA RASPODJELU SREDSTAVA

Član 10. (Pozitivni i eliminatorni kriteriji)

- (1) Općinski načelnik vrši odabir projekata na osnovu prijedloga Komisije koji je sačinjen u skladu sa sljedećim kriterijima:
- a) Pozitivni kriteriji:
- 1) vezanost projekta za oblast navedene u članu 5., 6. i 7. ove Odluke,
 - 2) kvalifikovano članstvo ili osoblje za realizaciju projekta,
 - 3) jasna definicija ciljne grupe (kome je namijenjen),
 - 4) očekivani rezultati (efekti na ciljnu grupu),
 - 5) jasna raspodjela odgovornosti-odgovorna osoba, saradnici i volonteri,
 - 6) sufinansiranje projekata i aktivnosti kod kojeg se najmanje 20% budžeta finansira iz višeg nivoa vlasti ili od strane međunarodne zajednice ili iz drugih izvora utvrđenih zakonom.
- a) za sport
- rang takmičenja,

- razvoj amaterskog sporta,
- broj članova kluba,
- broj angažovanih volontera i mladih,
- broj osvojenih medalja i postignuti plasman u takmičarskim ligama,
- historijat kluba,
- način finansiranja (obezbijeđena sredstva iz drugih izvora finansiranja).

b) za kulturu

- broj posjetilaca programa,
- broj angažovanih volontera i mladih,
- broj organizovanih manifestacija u predhodnoj godini,
- historijat udruženja,
- način finansiranja (obezbijeđena sredstva iz drugih izvora finansiranja),
- broj direktnih učesnika.

c) za ostala udruženja

- način finansiranja (obezbijeđena sredstva iz drugih izvora finansiranja),
- broj žena i mladih koji su uključeni u projekat,
- ciljne grupe,
- reference i historijat udruženja.

b) Eliminatorski kriteriji:

- 1) nepotpuna ili netačna dokumentacija (nedostaju formalni uslovi za kandidovanje projekata),
- 2) nije dostavljen finansijski i narativni izvještaj o realizaciji ranije odobrenih projekata (nije pravedan utrošak sredstava za ranije odobrene projekte),
- 3) projektu nedostaje jasan prikaz rezultata koji se očekuju,
- 4) aktivnosti koje ne uključuju građane Općine Breza i provode se van Općine Breza neće se razmatrati,
- 5) ukoliko aktivnosti projekta nisu usklađene sa budžetom projekta,
- 6) prijedlog projekta u odgovarajućoj formi, ali nedostaju ključni elementi.

(2) Projektne aktivnosti koje se neće finansirati:

- individualna sponzorstva za učestvovanje u radionicama, na seminarima, konferencijama, kongresima;
- individualne stipendije za studije ili trening kurseve;
- povremene konferencije (osim ako su neophodne za uspješnu implementaciju projekta);
- kupovina opreme (osim ako je neophodna za uspješnu implementaciju projekta);
- finansiranje projekata koji su već u toku ili su završeni;
- projekti za isključivu dobrobit pojedinaca;
- projekti koji podržavaju političke partije;
- primarno finansiranje podnosioca prijedloga ili njihovih partnera;
- radovi rekonstrukcije ili rehabilitacije (osim ako su neophodni za uspješnu implementaciju projekta);
- dodjela grantova trećoj strani;

Član 11.
(Ocjena projekata)

- (1) Za ocjenu projekata prema pozitivnim kriterijima koristi se skala od 1 do 5 poena za svaki kriterij pojedinačno.

- (2) Svaki član Komisije dodjeljuje bodove za svaki od pojedinačnih kriterija. Konačna ocjena bodova predstavlja zbir bodova svih članova Komisije.
- (3) Ukoliko primjena nekog od eliminatornih kriterija nije rezultat ocjene svih članova Komisije pojedinačno, odluka o primjeni eliminatornog kriterija se donosi većinom glasova ukupnog broja članova Komisije.
- (4) Komisija konačnu ocjenu svakog projekta vrši na obrascu za Komisiju koji je sastavni dio ove Odluke.

Član 12.
(Obrazac za Komisiju)

Obrazac za Komisiju sadrži:

- a) naznaku da li se projekat podržava u cjelini ili dio projekta,
- b) ako se podržava dio projekta, naznaku tačnog naziva dijela projekta koji se podržava,
- c) ocjenu projekta u brojkama (na osnovu skale ocjenjivanja po kriterijima utvrđenih ovom odlukom) koju popunjava Komisija nakon izvršenog vrednovanja projekta,
- d) naznaku da se odbija projekat (popunjava se u slučaju da nije popunjena rubrika broj 1.),
- e) rubriku sa detaljnim obrazloženjem za odbijanje (popunjava se u slučaju odbijanja),
- f) rubriku ostalo za dodatna mišljenja i obrazloženja vezana za projekat od važnosti za odlučivanje komisije, a njihovo vrednovanje nije propisano predviđenim kriterijima,
- g) potpise predsjednika Komisije i svih članova pojedinačno.

Član 13.
(Odluka o raspodjeli sredstava)

- (1) Komisija donosi Prijedlog Odluke o raspodjeli sredstava rukovodeći se ocjenom projekta na osnovu kriterija propisanih u članu 10. ove Odluke. U slučaju da dva ili više projekata dobiju isti broj bodova, a raspoloživa sredstva nisu dovoljna za njihovo finansiranje, Komisija većinom glasova vrši odabir projekta za finansiranje.
- (2) Komisija je dužna da pripremi Prijedlog Odluke o raspodjeli sredstava i istu dostavi Općinskom načelniku u roku od 30 (trideset) dana od dana isteka roka Javnog poziva za prijavu projekata.
- (3) Odluku o raspodjeli sredstava iz stava (2) ovog člana Općinski načelnik će objaviti na zvaničnoj web stranici i oglasnoj tabli Općine Breza i istu dostaviti putem Komisije u pismenoj formi svakom aplikantu pojedinačno.

POGLAVLJE VI – UGOVORI SA APLIKANTIMA

Član 14.
(Ugovori za odobrene projekte)

- (1) Nakon donošenja Odluke o raspodjeli sredstava, Općinski načelnik zaključuje ugovore koje sadrže prava, obaveze i odgovornosti, način plaćanja realizacije odobrenog projekta, način praćenja namjenskog trošenja sredstava, te elemente opisanog i finansijskog izvještavanja o realizaciji projekta.
- (2) Sredstva će biti doznačena nakon potpisivanja ugovora jednokratno ili u ratama u skladu sa prilivom budžetskih sredstava Općine Breza.

Član 16.
(Praćenje zaključenih ugovora)

Realizaciju zaključenih ugovora za odobrene projekte iz člana 13. stav (1) ove Odluke prate Služba za finansije, inspeksijske poslove i opću upravu.

POGLAVLJE VII – ZAVRŠNE ODREDBE

Član 17.
(Stupanje na snagu)

Općinski načelnik će na osnovu ove Odluke donijeti posebno Uputstvo/Smjernice za aplikante o načinu postupanja u postupcima prijave na Javni poziv za raspodjelu sredstava iz člana 1. ove Odluke, kojim će se detaljnije urediti procedure prikupljanja i ocjene prijava i propisati obrasci utvrđeni ovom Odlukom, u roku ne dužem od 15 dana od dana stupanja na snagu ove Odluke.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-1148/18
Breza, 25.04.2018.godine

PREDSJEDAVAJUĆI
Općinskog vijeća
Vedad Jusić,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 6. Zakona o građevinskom zemljištu Federacije BiH („Službene novine Federacije BiH“, broj: 25/03, 16/04 i 67/05) i člana 115. stav 2. Statuta Općine Breza – Prečišćeni tekst („Službeni glasnik Općine Breza“, broj: 8/09), Općinsko vijeće Breza, na sjednici održanoj dana 25.04.2018. godine, d o n o s i

O D L U K U
o privremenom zauzimanju javnih površina
na području Općine Breza

I – OPĆE ODREDBE

Član 1.

Ovom odlukom utvrđuje se šta se smatra javnom površinom, način korištenja javne površine, izdavanje odobrenja za zauzimanje javne površine i nadzor nad provođenjem ove Odluke.

Član 2.

Javnom površinom u smislu ove Odluke, smatraju se:

1. ulice, trotoari, staze, prilazi, pasaži, trgovi, parkirališta, pristupni platoi i pješačke staze,
2. zelene površine, parkovske staze, drvoredi, prirodna područja, travnjaci, i slično,
3. autobuska i taksi stajališta,
4. neograđene površine, dvorišta stambenih i stambeno – poslovnih objekata u državnoj svojini, koje ne služe redovnoj upotrebi zgrada odnosno objekata,
5. otvoreni pijačni i tržišni prostori,
6. sportski, rekreativni i zabavni tereni na otvorenim prostorima,
7. neizgrađeno gradsko građevinsko zemljište.

Član 3.

Javne površine mogu se davati na privremeno korištenje za sljedeće namjene:

1. Za postavljanje ljetnih bašti, odnosno postavljanje stolova i stolica uz postojeće ugostiteljske objekte,
2. Za postavljanje tendi i privremenih prodajnih i izložbenih mjesta ispred poslovnih Objekata,
3. Za postavljanje svih vrsta tezgi, stolova za prodaju lutrije, štampe, knjiga, cvijeća, ukrasnih predmeta i slično,
4. Za postavljanje aparata i uređaja za prodaju osvježavajućih pića (mikseri sladoleda, pečenja, prodaja kestenova, kokica i slično,
5. Za pružanje usluga čišćenja obuće, vaganje, fotografisanje, pokretnu prodaju srećaka, novina i slično,
6. Za prodaju poljoprivrednih proizvoda, mašina, građevinskih mašina, ogrijeva i slično,
7. Za postavljanje građevinskih skela, postavljanje tračnica za kran i druge građevinske mašine i deponovanje građevinskog materijala,
8. Za organizovanje parkirališta i taksi stajališta,
9. Za parkiranje vozila iz kojih se neposredno obavlja prodaja,
10. Za postavljanje cirkusa, luna-parkova, ringišpila, i drugih uređaja za zabavu,
11. Za postavljanje reklamnih panoa,
12. Slobodno-stojeće bašte,
13. Za zauzimanje javne površine u svrhu obavljanja privrednih, kulturnih i sportskih manifestacija, pod posebnim uslovima,
14. Postavljanje privremenih objekata za prodaju štampe,
15. Za obavljanje poljoprivredne djelatnosti na građevinskom zemljištu do privođenja zemljišta trajnoj namjeni.

Član 4.

Privremeno korištenje javnih površina vrši se na osnovu odobrenja općinske Službe za prostorno uređenje, zaštitu okolice, geodetske i imovinsko-pravne poslove.

Odobrenje iz stava 1. ovog člana izdaje se na osnovu zahtjeva stranke, a u skladu sa članom 3. ove Odluke,

Odobrenje za zauzimanje javne površine za postavljanje ljetnih bašti može se izdati za period 30.04. do 30.09. tekuće godine,

Uz zahtjev iz stava 2. ovog člana prilaže se odobrenje za obavljanje određene djelatnosti.

Član 5.

Odobrenje za zauzimanje javne površine može se izdati, ako su ispunjeni sljedeći uslovi:

- da zauzimanje javne površine ne ometa bezbjednost odvijanja motornog i pješačkog saobraćaja,
- da se ne ometa pristup okolnim objektima, podzemnim i drugim instalacijama,

- da se ne uništavaju zelene površine, ali se izuzetno može izdati odobrenje za zauzimanje javne površine u periodu od 30.04.do 30.09. tekuće godine, a na osnovu provedenog javnog oglasa,

- da podnosilac zahtjeva posjeduje dokumentaciju navedenu u članu 4. stav 4. ove Odluke,

- da podnosilac zahtjeva izvrši plaćanje utvrđene naknade za zauzimanje javne površine.

Član 6.

Rješenjem nadležne službe odobrit će se privremeno zauzimanje dijelova javne površine.

Član 7.

U odobrenju za zauzimanje javne površine u cilju izvođenja radova na čišćenju, opravci vanjskih dijelova zgrade i njihovo uređenje (krova, oluka, fasade i slično) utvrdit će se obaveza za izvođača radova da u svrhu upozorenja učesnika u saobraćaju mora na mjestu izvođenja radova postaviti propisane oznake, po kojima će biti vidljivo da je prolaz opasan. Ako se prilikom izvođenja radova ošteti javna površina, izvođač je dužan izvršiti opravku u roku od 48 sati od časa nastanka iste.

Član 8.

Odobrenjem za zauzimanje dijela javne površine za slaganje i pripremu građevinskog materijala utvrdit će se obaveze izvođača radova da zauzetu javnu površinu ogradi i označi propisanim znacima, na način da omogući kretanje pješaka i time omogući bezbjedan prolaz pločnikom i ulicom, te da ne ometa odvijanje saobraćaja kao i da ne vrši oštećenje zgrade, ulice i pločnika.

Za sve eventualne štete koje nastanu postupanjem izvođača suprotno odredbama ovog člana odgovoran je izvođač radova.

Član 9.

Zauzeta javna površina ne može se koristiti protivno namjeni za koju je izdato odobrenje za zauzimanje javne površine, niti dati na korištenje drugom licu.

U slučaju da se javna površina koristi suprotno odredbama prethodnog stava nadležni organ će poništiti rješenje o zauzimanju javne površine.

Član 10.

Iznos naknade za zauzimanje javne površine utvrdit će Općinski načelnik svojim aktom, na prijedlog Službe za prostorno uređenje, zaštitu okolice, geodetske i imovinsko-pravne poslove.

II – NADZOR

Član 11.

Nadzor nad provođenjem ove Odluke vrše nadležni općinski inspektori.

III – PRELAZNE I ZAVRŠNE ODREDBE

Član 12.

Stupanjem na snagu ove Odluke, prestaje da važi Odluka o privremenom zauzimanju javnih površina na području Općine Breza – Prečišćeni tekst („Službeni glasnik Općine Breza“, broj: 14/14, 10/15 i 3/17).

Član 13.

Ova odluka stupa na snagu osmog dana od dana objavljivanja u „Službenom glasniku Općine Breza“.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 19.stav 1. tačka 15 i člana 115. Statuta Općine Breza (*Službeni glasnik općine Breza broj: 08/09 – prečišćeni tekst*), Općinsko vijeće Općine Breza na sjednici održanoj dana 25.04.2018. godine donosi:

O D L U K U
o utvrđivanju visine naknada za rad upravnih odbora
u javnim ustanovama kojima je osnivač Općina

Član 1.

Ovom Odlukom utvrđuju se visine i način osiguranja i isplate sredstava na ime naknada za rad upravnih odbora u javnim ustanovama kojima je osnivač Općina Breza, osim za Javnu ustanovu Dom zdravlja Breza, za koju je ovo pitanje regulisano posebnom Odlukom Općinskog vijeća Općine Breza.

Član 2.

U smislu prethodnog člana, utvrđuju se naknade za rad upravnih odbora u ustanovama kako slijedi:

- | | |
|--|-----------|
| a. Javna ustanova Centar za socijalni rad Breza | |
| Visina naknade za predsjednika Upravnog odbora | 100,00 KM |
| Visina nanknade za članove Upravnog odbora | 80,00 KM |
| b. Javna ustanova za predškolsko obrazovanje i vaspitanje Umihana Čuvidina Breza | |
| Visina naknade za predsjednika Upravnog odbora | 100,00 KM |
| Visina nanknade za članove Upravnog odbora | 80,00 KM |
| c. Javna ustanova Opća biblioteka Muhamed Kantardžić Breza | |
| Visina naknade za predsjednika Upravnog odbora | 100,00 KM |
| Visina nanknade za članove Upravnog odbora | 80,00 KM |

Član 3.

Članovi upravnih odbora ostvaruju pravo na naknade iz člana (2) ove Odluke u vrijeme trajanja mandata za koji su imenovani, a iste im se isplaćuju po održanoj sjednici, najviše jednom mjesečno.

Član 4.

Sredstva za isplatu naknada iz člana (2) ove Odluke isplaćuju se na teret sredstava svake od ustanova koje su predmet ove Odluke.

Član 5.

Ova Odluka stupa na snagu sa danom objavljivanja u Službenom glasniku Općine Breza.

Broj:01/1-02-1131/18
Breza, 25.04.2018. godine

PREDSJEDAVAJUĆI
Općinskog vijeća, s.r
Jusić Vedad, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 8. stav 3. alineja 29. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 19. stav 1. tačka 2. Statuta Općine Breza („Službene glasnik Općine Breza“, broj: 08/09- prečišćeni tekst), člana 104. i 105. Odluke o komunalnom redu („Službene glasnik Općine Breza“, broj: 14/14- prečišćeni tekst), a u vezi sa odredbama Zakona o zaštiti i dobrobiti životinja („Službeni glasnik BiH“, broj: 25/09), Zakona o veterinarstvu BiH („Službeni glasnik BiH“, broj: 34/02), Zakona o veterinarstvu Federacije BiH („Službene novine Federacije BiH“, broj: 46/00) i Zakona o komunalnim djelatnostima („Službene novine ZDK“, broj: 17/08), Općinsko vijeće Breza na sjednici održanoj dana 25.04. 2018. godine, *d o n o s i*

O D L U K U

o uslovima i načinu držanja pasa, te načinu postupanja sa napuštenim i izgubljenim psima na području općine Breza

I OPĆE ODREDBE

Član 1.

- (1) Ovom odlukom propisuju se uslovi i način držanja pasa, kretanje pasa po javnim površinama i objektima javne namjene, obaveza cijepjenja, registracije i označavanja pasa, kontrola njihovog razmnožavanja, način postupanja sa napuštenim i izgubljenim psima, psima lualicama, te nadzor i kaznene odredbe.
- (2) Određene odredbe ove odluke ne primjenjuju se na službene pse koje u obavljanju svojih poslova koriste tijela državne uprave i druge pravne osobe (npr. policija, granična služba, zaštitari i sl.), pse osposobljene za pomoć osobama sa posebnim potrebama i invaliditetom (npr. vodiče slijepih i slabovidnih osoba), te pse tartufare i lovačke pse samo za vrijeme lova.
- (3) Odredbe ove Odluke primjenjuju se i na ostale kućne ljubimce koji su definisani Zakonom o zaštiti i dobrobiti životinja BiH.

Član 2.

U ovoj odluci pojedini pojmovi imaju slijedeće značenje:

- **eutanazija psa** je poseban način usmrćivanja psa koje isključuje patnju i bol;
- **higijenski servis** je služba za prikupljanje i uklanjanje napuštenih, izgubljenih i uginulih pasa, te pasa lualica;
- **izgubljeni pas** je onaj pas koji je napustio posjednika bez njegove volje i on ga traži;
- **napušteni pas** je onaj pas kojeg je posjednik svjesno napustio, kao i onaj kojeg je napustio zbog više sile kao što su bolest, smrt ili gubitak slobode;
- **neupisan pas** je pas poznatog ili nepoznatog posjednika koji nije registriran u skladu sa važećim propisima;
- **opasan pas** je pas koji je posebnim propisom označen kao takav;
- **pas** je kućna životinja koju čovjek drži radi druženja, rekreacije, zaštite i pomoći ili zbog zanimanja za tu životinju;
- **posjednik psa** je pravno ili fizičko lice koje je kao vlasnik, korisnik, držalac ili čuvar, stalno ili privremeno zaduženo ili odgovorno za životinju;
- **pas lualica** je neregistrirana/registirana i neoznačena/označena životinja čiji je posjednik nepoznat, a o kojoj se niko ne brine i koja bez nadzora luta ulicama i drugim javnim površinama;

- **sklonište za životinje** je prostor u koji se smještaju pronađene životinje (napuštene i izgubljene životinje, psi lutalice i sl.) na daljnju brigu i moguće udomljavanje;
- **veterinar** je doktor veterinarske medicine ili diplomirani veterinar sa veterinarskom licencom;
- **ovlaštene veterinarske organizacije** su veterinarska stanica, veterinarska ambulanta, veterinarska bolnica i veterinarska klinika;
- **kućni ljubimci** su psi, domaće mačke, domaće ptice, mali glodari, terarijske, akvarijske i druge životinje koje se uzgajaju ili drže za društvo, rekreaciju, zaštitu ili pomoć čovjeku.

II. USLOVI I NAČIN DRŽANJA PASA

Član 3.

- (1) Na području centra grada Breza, kojeg omeđuju ulice užeg urbanog područja grada utvrđenog Urbanističkim planom grada, kućni ljubimci mogu se držati isključivo unutar svojih stambenih jedinica. Granice užeg urbanog područja grada definisane su članom 104. Odluke o komunalnom redu („Službene glasnik Općine Breza“, broj: 14/14-prečišćeni tekst).
- (2) Na ostalim područjima općine Breza psi se moraju držati tako da ne ugrožavaju fizički i psihički integritet, te ličnu sigurnost i imovinu građana, javni red i mir i životnu sredinu, pri čemu uslovi i način držanja pasa moraju biti u skladu sa propisima o zaštiti i dobrobiti životinja, veterinarstvu, zaštiti okoliša, javnom redu i miru, vlasničko-pravnim odnosima i odredbama ove odluke.
- (3) Posjednik psa je dužan obezbijediti životinji adekvatan smještaj, neophodnu njegu, pravilnu ishranu, zdravstvenu zaštitu, odgovarajuće higijenske i veterinarsko-zdravstvene uslove prostora u kojem boravi, te obezbijediti da se držanjem životinje ne zagađuje okolina i ne uznemiravaju treća lica.
- (4) Fizičko lice kao posjednik psa, ne može biti mlađe od 18 godina.

Član 4.

Pas se može držati u slijedećim prostorima:

- u stanu u stambenoj zgradi;
- u porodičnoj kući,
- u dvorištu porodične kuće, osim na području iz člana 3. stav 1. ove Odluke.
- u dvorištu stambene zgrade, zajedničkom dvorištu porodične kuće i dvorištu sa većim brojem porodičnih kuća u posebnom objektu (kućica ili boks), uz saglasnost svih vlasnika stanova, suvlasnika porodične kuće, odnosno svih vlasnika porodičnih kuća, osim na području iz člana 3. stav 1. ove Odluke.

Član 5.

- (1) Dvorište u smislu odredaba ove Odluke je preostali dio građevinske parcele ograđen ili neograđen, koji pripada stambenoj zgradi, odnosno porodičnoj kući ili većem broju porodičnih kuća.
- (2) Dvorište koje se nalazi uz površinu javne namjene i površinu u javnom korištenju, a u kome se drži pas, mora biti ograđeno.
- (3) Posjednik psa dužan je osigurati njegovo držanje u porodičnoj kući i dvorištu porodične kuće na način na koji se, shodno propisima o vlasništvu, poštuju prava vlasnika susjednih nekretnina.
- (4) Posjednik psa je dužan da obezbijedi za psa odgovarajući objekat (kućicu ili boks), te ga držati na način da ne ugrožava ličnu sigurnost građana.

Član 6.

- (1) Pas koji se drži u neograđenom dvorištu, vrtu ili sličnom zemljištu, mora biti sigurno vezan lancem, na način da ne ometa kretanje i sigurnost građana ili mora biti smješten u boks

odnosno kućicu koji će spriječiti nekontrolisano kretanje psa, te osigurati da se životinja neće moći samostalno udaljiti i izaći na javnu površinu bez povodca, zaštitnih sredstava i nadzora.

- (2) Pas se može vezati oko vrata adekvatnom ogrlicom ili kaišem koji se ne usijeca u kožu i koji ne može dovesti do povreda.
- (3) Pas koji se drži u ograđenom dvorištu ili drugom zemljištu ne mora biti vezan ukoliko ograda visinom i čvrstoćom osigurava sigurnost prolaznika i susjeda, a posjednik psa je dužan na vidnom mjestu postaviti tablu sa crtežom i natpisom koji ukazuje i upozorava na prisustvo psa u dvorištu, te mora imati ispravno zvono na ulaznim dvorišnim vratima.

Član 7.

Ako pas nanese povredu ili ošteti nečiju imovinu, posjednik psa je odgovoran za nanesenu povredu, te je dužan i odgovoran izvršiti popravku ili nadoknaditi materijalnu štetu oštećenom fizičkom ili pravnom licu.

Član 8.

- (1) Ukoliko se pojavi zarazna bolest ili znakovi na osnovu kojih se može posumnjati da je pas obolio ili uginuo od zarazne bolesti, posjednik je dužan odmah obavijestiti ovlaštenu veterinarsku stanicu, te zatvoriti životinju i držati je zatvorenu do veterinarskog pregleda, a nakon pregleda postupati prema naređenim uputama.
- (2) Posjednik psa koji je ugrizao ili povrijedio čovjeka, bez obzira na to da li je ugriz vidljiv ili ne, i bez obzira da li je pas cijepljen ili ne, dužan je o tome odmah obavijestiti ovlaštenu veterinarsku stanicu, a životinju držati zatvorenu do veterinarskog pregleda.
- (3) Prijavu iz stava 2. ovog člana dužan je podnijeti i oštećeni.

Član 9.

Posjednik psa dužan je odmah, a najkasnije u roku od 24 sata, prijaviti uginuće životinje ovlaštenoj veterinarskoj stanici odnosno veterinaru radi utvrđivanja uzroka uginuća.

Član 10.

Posjednik psa koji se o njemu ne može brinuti dužan je pronaći udomitelja, odnosno fizičko ili pravno lice koje će o njemu brinuti na propisan način ili ga predati skloništu za životinje, te snositi troškove boravka do udomljenja ili drugog načina zbrinjavanja životinje.

Član 11.

- (1) Posjednik opasnog/potencijalno opasnog psa dužan je životinju držati u skladu sa propisima o zaštiti i dobrobiti životinja, veterinarstvu, zaštiti prirode, javnome redu i miru, te odredbama Pravilnika o držanju opasnih životinja („Službeni glasnik BiH“, broj: 27/10).
- (2) Opasan pas može biti bilo koja jedinka te vrste, porijeklom od bilo koje pasmine koja je ničim izazvana, napala čovjeka i nanijela mu tjelesne ozljede ili ga usmrtila, ničim izazvana napala drugog psa i nanijela mu teške tjelesne ozljede, uzgajana ili dresirana za borbe pasa ili zatečena u organiziranoj borbi s drugim psom, te pas pasmine terijera tipa *bull* koji ne potiče iz uzgoja iz člana 8. stav 1. Pravilnika o držanju opasnih životinja (*pit bull* terijer) i njegovi križanci.
- (3) Činjenicu da je pas opasan utvrđuje veterinarski inspektor ili ovlašteni veterinar, po podnesenoj prijavi o ničim izazvanom napadu na čovjeka s nanesenim tjelesnim ozljedama ili usmrćenjem ili ničim izazvanom napadu na drugu životinju s nanesenim teškim tjelesnim ozljedama. Po podnesenoj prijavi postupak vodi veterinarski inspektor.

Član 12.

Zabranjeno je:

ubiti psa bez opravdanog razloga, nanositi mu bol, patnju ili povredu, mučiti psa i namjerno ga izlagati stresu i strahu;

- držati psa i postupati sa psom na način kojim se ugrožava zdravlje i sigurnost drugih životinja i ljudi;
- zanemarivati psa s obzirom na njegovu zdravlje, smještaj, ishranu i njegu;
- huškati psa na druge životinje ili ljude ili ih dresirati na agresivnost, obučavati psa za borbe, te organizirati borbe pasa;
- napuštati psa ili postupati na način kojim se omogućava bijeg psa;
- dovođenje i napuštanje pasa na područje općine Breza sa područja drugih općina;
- šišanje pasa na javnim površinama, pojenje pasa na javnim česmama i bunarima namjenjenim za vodosnabdijevanje građana;
- samostalno zbrinjavanje i hranjenje pasa lualica na javnim površinama, u zajedničkim prostorijama i dvorištima i sl.;
- ostavljanje leševa uginulih pasa na javnim površinama, šumskim površinama i kanalima i na poljoprivrednom zemljištu;
- ukopavanje uginulih pasa van mjesta određenog za tu svrhu.

III. KRETANJE PASA PO JAVNIM POVRŠINAMA I OBJEKTIMA JAVNE NAMJENE

Član 13.

- (1) Zbog zdravstvenih, higijenskih i drugih razloga, zabranjeno je uvoditi psa (koji se kreće slobodno ili na povodcu) u objekte i na površine javne namjene (objekte koje koriste organi državne uprave, zdravstvene, prosvjetne, vjerske, kulturne, sportske, poštanske, telekomunikacione, finansijske i druge objekte javne namjene, groblja/mezarja, tržnice, pijace, uređena dječja igrališta, školska dvorišta, dječije vrtiće, spomen parkove, sportske i rekreacijske terene, kupališta, sajmove, javne skupove, vozila javnog prijevoza i slično), što će se obavezno označiti znakom sa prekriženim likom psa.
- (2) O dozvoli ili zabrani uvođenja psa u trgovačke objekte, hotele, apartmane, restorane i druge smještajne i ugostiteljske objekte odlučuje odgovorno lice ili vlasnik objekta i to označava postavljanjem znaka sa likom psa, odnosno sa prekriženim likom psa na ulaznim vratima objekta.
- (3) Znakove na javnim površinama postavlja i održava JP „Komunalno“ d.o.o Breza uz prethodnu saglasnost Službe za prostorno uređenje, zaštitu okolice, geodetske i imovinsko-pravne poslove, a za privatne objekte i površine za postavljanje znakova zaduženi su njihovi vlasnici.

Član 14.

- (1) Izvođenje pasa je dozvoljeno na javnim površinama na kojima se mogu kretati pješaci, a koje nisu vidno obilježene zabranom.
- (2) Izvođenje opasnih pasa izvan zatvorenog prostora i na javnu površinu dopušteno je isključivo sa zaštitnom korpom (brnjicom) na njušci i na kratkom povodcu koji ne može da bude duži od jednog metra, te pod nadzorom posjednika.
- (3) Psi malog i srednjeg rasta (minijaturni i mali psi visine do 40 centimetara), kao i psi do četiri mjeseca starosti, mogu se pod nadzorom posjednika izvoditi izvan zatvorenog prostora i na javnu površinu na povodcu dužine do tri metra i bez zaštitne korpe, osim ako predstavljaju opasnost po okolinu u skladu sa posebnim propisima.
- (4) Izuzetno psi iz stava 3. ovog člana mogu se slobodno kretati bez povodca uz nadzor posjednika na svim površinama izvan užeg gradskog područja općine Breza.
- (5) Služba za prostorno uređenje, zaštitu okolice, geodetske i imovinsko-pravne poslove može rješenjem odrediti vremenski period i javne površine na kojima je dozvoljeno, odnosno zabranjeno slobodno kretanje pasa. JP „Komunalno“ d.o.o Breza je dužno da na osnovu rješenja nadležne službe postavi vidne oznake na kojima je naznačena dozvola, odnosno zabrana slobodnog kretanja pasa.
- (6) Prilikom izvođenja psa na javne površine, posjednik psa je dužan da sa sobom nosi službenu ispravu/dokument za psa, izdatu u skladu sa posebnim propisom.
- (7) Zabranjeno je nevakcinisanog/necijepljenog, neupisanog i neoznačenog psa izvoditi na

javnu površinu.

Član 15.

- (1) Prilikom držanja pasa u vlastitom automobilu, posjednik je dužan onemogućiti izlazak psa bez nadzora na javnu saobraćajnu površinu.
- (2) Posjedniku je zabranjeno vođenje psa na javnoj saobraćajnoj površini (sa ili bez povodca) prilikom vožnje biciklom ili drugim motornim vozilom.

Član 16.

- (1) Posjednik psa je dužan bez odlaganja očistiti svaku površinu koju zaprlja ili zagadi njegova životinja na bilo koji način.
- (2) Fekalije se odlažu u označene kante postavljene na javnim površinama. O postavljanju i održavanju opreme za odlaganje fekalija pasa, stara se JP „Komunalno“ d.o.o. Breza.

IV. CIJEPLJENJE, REGISTRACIJA I OZNAČAVANJE PASA

Član 17.

- (1) Posjednik psa je dužan da u skladu sa ovom odlukom i drugim važećim propisima izvrši cijepljenje/vakcinisanje, registrovanje i označavanje/čipovanje psa.
- (2) Zabranjeno je držati psa koji nije cijepljen/vakcinisan, koji nije upisan u registar/upisnik pasa i koji nije označen/čipovan u skladu sa ovom odlukom i propisima o veterinarstvu.
- (3) Posjednik psa mora imati propisanu službenu ispravu/dokument o upisu/registraciji i čipovanju psa, te vakcinaciji psa protiv bjesnila i obavljenom tretmanu protiv parazita.

Član 18.

- (1) Posjednik psa dužan je voditi brigu o njegovom zdravlju, te psa redovno cijepiti protiv bjesnila i drugih zaraznih bolesti.
- (2) Psi stariji od tri mjeseca moraju jednom godišnje biti cijepljeni protiv bjesnila, s tim da između dva cijepjenja ne smije proteći više od 12 mjeseci.
- (3) Posjednik psa mora omogućiti zaštitno cijepljenje protiv bjesnila psa koji tokom godine navršiti tri mjeseca u roku od 14 dana od dana kada napuni tri mjeseca, a novonabavljenog psa koji nije ranije cijepljen protiv bjesnila, u roku od 14 dana od dana njegove nabavke.
- (4) Troškove i naknade za veterinarsko-zdravstvene preglede, cijepjenja i druge zaštitne mjere snosi posjednik psa.

Član 19.

- (1) Posjednici pasa dužni su registrirati pse u roku od sedam dana od dana sticanja vlasništva, odnosno odjaviti psa u slučaju svakog gubitka posjeda životinje (nestanka, prodaje, darovanja, uginuća i sl.) u roku od sedam dana od nastalog događaja u ovlaštenoj veterinarskoj stanici koja vodi registar pasa.
- (2) Nabavku mladunčeta posjednik mora prijaviti najkasnije do napunjenog četvrtog mjeseca njegove starosti.
- (3) Ovlaštena veterinarska stanica za upisivanje pasa u registar vodi evidenciju o cijepljenim/vakcinisanim i označenim/čipovanim psima, te izdaje potrebne službene isprave/dokumenta.
- (4) Evidenciju cijepljenih/vakcinisanih i označenih/čipovanih pasa ovlaštena veterinarska stanica dužna je redovno dostavljati Službi za privredu Općine Breza.

Član 20.

- (1) Svi psi koji se nalaze na području općine Breza moraju biti identifikovani i evidentirani u skladu sa Pravilnikom o identifikaciji i vođenju evidencije pasa, mačaka i pitomih vretica u Bosni i Hercegovini („Službeni glasnik BiH“, broj: 96/16), a za pravovremenu identifikaciju odgovoran je posjednik psa.
- (2) Psi podliježu identifikaciji postavljanjem mikročipa u roku od sedam dana od dana prvog sticanja vlasništva, dok je identifikacija za pse koji ne mijenjaju vlasnika obavezna nakon navršena tri mjeseca starosti, a najkasnije prilikom prvog cijepjenja protiv bjesnila.
- (3) Identifikaciju pasa obavlja nadležna veterinarska stanica.

V. KONTROLA RAZMNOŽAVANJA PASA**Član 21.**

- (1) Posjednik psa je dužan osigurati kontrolu razmnožavanja psa, te mora onemogućiti i spriječiti svako nekontrolisano i neplanirano razmnožavanje pasa.
- (2) Prilikom planiranja razmnožavanja psa, posjednik psa je dužan voditi računa o broju potomaka psa radi osiguranja prostornih i drugih uslova držanja u skladu sa propisima o veterinarstvu, zaštiti i dobrobiti životinja, te ovom odlukom.
- (3) Kontrola razmnožavanja pasa provodi se preventivnim djelovanjem, te sterilizacijom ili kastracijom životinje.

VI. POSTUPANJE SA NAPUŠTENIM I IZGUBLJENIM PSIMA, TE PSIMA LUTALICAMA**Član 22.**

- (1) Hvatanje, sakupljanje, transport, smještaj i zbrinjavanje napuštenih i izgubljenih pasa, pasa koji se kreću javnom površinom bez nadzora posjednika, te pasa lualica, osiguravaju zaposleni u higijenskom servisu i skloništu za životinje, kojeg u skladu sa Zakonom o zaštiti i dobrobiti životinja, osniva fizičko ili pravno lice, općina, grad, kanton ili entitet.
- (2) Na području općine Breza, hvatanje, sakupljanje, transport, smještaj i zbrinjavanje napuštenih i izgubljenih pasa, pasa koji se kreću javnom površinom bez nadzora posjednika, te pasa lualica, vršit će se savremenim metodama, na human način i bez zlostavljanja, uz primjenu odgovarajuće opreme i prevoznih sredstava, a u skladu sa propisima o zaštiti i dobrobiti životinja i veterinarstvu.
- (3) Do osnivanja tijela iz stava 1. ovog člana, Općina Breza i ovlaštena pravna lica će zaključivati posebne ugovore o provođenju kastracije, sterilizacije i obilježavanja napuštenih životinja, naročito pasa lualica, te njihovog ponovnog puštanja na mjesta prirodnog staništa, a u svrhu stabilizacije populacije napuštenih životinja kontrolom njihove reprodukcije u kratkom roku.
- (4) Poslovi iz stava 3. ovog člana će se provoditi dva puta godišinje(proljetna i jesenja faza), a za što će Općinski načelnik donositi posebne Odluke.

Član 23.

- (1) Posjednik izgubljenog psa dužan je ovlaštenoj veterinarskoj stanici bez odlaganja prijaviti nestanak životinje, a najkasnije u roku od 48 sati od dana nestanka.
- (2) Ako posjednik psa ne prijavi nestanak iz stava 1. ovog člana, smatra se da je napustio životinju.
- (3) Pronalazač napuštenog ili izgubljenog psa dužan je o nalasku obavijestiti ovlaštenu veterinarsku stanicu, te pružiti životinji odgovarajuću pomoć do vraćanja posjedniku ili do smještanja u sklonište.
- (4) Posjednik napuštenog ili izgubljenog psa dužan je nadoknaditi svaku vrstu štete koju počinii pas od trenutka nestanka ili napuštanja do trenutka vraćanja posjedniku ili odgovarajućeg zbrinjavanja.

Član 24.

- (1) Eutanazija/usmrćivanje psa se provodi u skladu sa odredbama Zakona o zaštiti i dobrobiti životinja.
- (2) Ako se radi o kućnom ljubimcu, troškove eutanazije snosi posjednik, a ako se radi o psima lualicama troškovi padaju na teret budžeta Općine.

VII. KAZNENE ODREDBE**Član 25.**

Novčanom kaznom u iznosu od 100,00 KM do 300,00 KM kaznit će se za prekršaj fizička osoba, a novčanom kaznom u iznosu od 500,00 KM do 1.000,00 KM kaznit će se za prekršaj pravna osoba u slijedećim slučajevima:

- Ako prilikom izvođenja psa na javne površine, sa sobom nema službenu ispravu/dokument za psa, izdatu u skladu sa posebnim propisom (član 14. stav 6.);
- Ukoliko prilikom držanja psa u vlastitom automobilu, omogući izlazak psa bez nadzora na javnu saobraćajnu površinu (član 15. stav 1.);
- Ako vodi psa na javnoj saobraćajnoj površini (sa ili bez povodca) prilikom vožnje biciklom ili drugim motornim vozilom (član 15. stav 2.);
- Ukoliko bez odlaganja ne očisti svaku površinu koju zaprlja ili zagadi njegova životinja na bilo koji način (član 16. stav 1.);
- Ako fekalije ne odlaže u označene kante postavljene na javnim površinama ili ako ne postavi ili ne održava opremu za odlaganje fekalija pasa (član 16. stav 2.).

Član 26.

Novčanom kaznom u iznosu od 300,00 KM do 700,00 KM kaznit će se za prekršaj fizička osoba, a novčanom kaznom u iznosu od 1.000,00 KM do 3.000,00 KM kaznit će se za prekršaj pravna osoba u slijedećim slučajevima:

- Ukoliko se držanjem psa ugrožavaju fizički i psihički integritet, te lična sigurnost i imovina građana, javni red, mir i životna sredina, ili ne ispunjava uslove o načinu držanja pasa u skladu sa propisima o zaštiti i dobrobiti životinja, veterinarstvu, zaštiti okoliša, javnom redu i miru, vlasničko-pravnim odnosima i odredbama ove odluke (član 3. stav 2.);
- Ako životinji ne obezbijedi adekvatan smještaj, neophodnu njegu, pravilnu ishranu, zdravstvenu zaštitu, odgovarajuće higijenske i veterinarsko-zdravstvene uslove prostora u kojem boravi, ili držanjem životinje zagađuje okolinu i uznemirava treća lica (član 3. stav 3.);
- Ako se ponaša suprotno odredbama člana 4. odnosno drži psa izvan stana u stambenoj zgradi; izvan porodične kuće; izvan dvorišta porodične kuće; izvan dvorišta stambene zgrade, zajedničkog dvorišta porodične kuće ili dvorišta sa većim brojem porodičnih kuća u posebnom objektu (kućica ili boks), bez saglasnosti svih vlasnika stanova, suvlasnika porodične kuće, odnosno svih vlasnika porodičnih kuća;
- Ako drži psa u dvorištu koje se nalazi uz površinu javne namjene i površinu u javnom korištenju, a nije ograđeno (član 5. stav 2.);
- Ne obezbijedi za psa odgovarajući objekat (kućicu ili boks) ili objekat za držanje pasa nije udaljen najmanje tri metra od susjedne parcele odnosno od susjednog stambenog objekta (član 5. stav 4.);
- Veže psa oko vrata neadekvatnom ogrlicom ili kaišem koji se usijeca u kožu ili koji može dovesti do povreda (član 6. stav 2.);
- Ako na vidnom mjestu ne postavi tablu sa crtežom i natpisom koji ukazuje i upozorava na prisustvo psa u dvorištu ili nema ispravno zvono na ulaznim dvorišnim vratima (član 6. stav 3.);
- Ako uvodi psa (koji se kreće slobodno ili na povodcu) u objekte i površine javne namjene (objekte koje koriste organi državne uprave, zdravstvene, prosvjetne, vjerske, kulturne, sportske, poštanske, telekomunikacione, finansijske i druge objekte javne namjene, groblja/mezarja, tržnice, pijace, uređena dječja igrališta, školska dvorišta, dječije vrtiće, spomen parkove, sportske i rekreacijske terene, kupališta, sajmove, javne skupove, vozila javnog prijevoza i slično), koji su označeni znakom sa prekriženim likom psa (član 13. stav 1.);
- Izvede opasnog psa izvan zatvorenog prostora i na javnu površinu bez zaštitne korpe (brnjice) na njušci ili na povodcu koji je duži od jednog metra, ili je pas bez nadzora posjednika (član 14. stav 2.);

- Ako pse malog i srednjeg rasta (minijturni i mali psi visine do 40 centimetara), kao i pse do četiri mjeseca starosti, izvede bez nadzora posjednika izvan zatvorenog prostora i na javnu površinu na povodcu dužem od tri metra i bez zaštitne korpe, ili ako predstavljaju opasnost po okolinu (član 14. stav 3.).

Član 27.

- (1) Novčanom kaznom u iznosu od 700,00 KM do 1.000,00 KM kaznit će se za prekršaj fizička osoba, a novčanom kaznom u iznosu od 3.000,00 KM do 7.000,00 KM kaznit će se za prekršaj pravna osoba u slijedećim slučajevima:
- Ako drži psa na području centra grada Breza, kojeg omeđuju ulice užeg urbanog područja grada utvrđenog Urbanističkim planom grada, kućni ljubimci mogu se držati isključivo unutar svojih stambenih jedinica (član 3. stav 1.);
 - Ako drži psa u neograđenom dvorištu, vrtu ili sličnom zemljištu, bez lanca, na način da ometa kretanje i sigurnost građana ili nije smješten u boks odnosno kućicu kako bi spriječio nekontrolisano kretanje psa, ili omogući da se životinja samostalno udalji i izađe na javnu površinu bez povodca, zaštitnih sredstava i nadzora (član 6. stav 1.);
 - Bez odlaganja ne obavijesti nadležnu veterinarsku stanicu ili ne zatvori životinju i ne drži je zatvorenu do veterinarskog pregleda ili nakon pregleda ne postupi prema naređenim uputama, a postoji sumnja da se pojavila zarazna bolest ili postoje znakovi na osnovu kojih se može posumnjati da je pas obolio ili uginuo od zarazne bolesti ili kao posjednik psa koji je ugrizao ili povrijedio čovjeka, bez obzira na to da li je ugriz vidljiv ili ne, i bez obzira da li je pas cijepljen ili ne, odmah ne obavijesti nadležnu veterinarsku stanicu ili životinju ne drži zatvorenu do veterinarskog pregleda (član 8. stav 1. i 2.);
 - Ukoliko odmah, a najkasnije u roku od 24 sata, ne prijavi uginuće životinje nadležnoj veterinarskoj stanici odnosno veterinaru radi utvrđivanja uzroka uginuća (član 9. stav 1.);
 - Ako psu o kojem se ne može brinuti ne pronađe udomitelja, odnosno fizičko ili pravno lice koje će o njemu brinuti na propisan način ili ga ne preda skloništu za životinje ili ako ne snosi troškove boravka do udomljenja ili drugog načina zbrinjavanja životinje (član 10. stav 1.);
 - Ako izvrši radnje iz člana 12. odnosno, ubije psa bez opravdanog razloga, nanese mu bol, patnju ili povredu, muči psa i namjerno ga izlaže stresu i strahu ili drži psa i postupa sa psom na način kojim se ugrožava zdravlje i sigurnost drugih životinja i ljudi ili zanemari psa s obzirom na njegovo zdravlje, smještaj, ishranu i njegu; huška psa na druge životinje ili ljude ili ih dresira na agresivnost, obučava psa za borbe, ili organizira borbe pasa ili napušta psa ili postupa na način kojim se omogućava bijeg psa ili dovodi i napušta psa na područje općine Breza sa područja drugih općina ili šiša psa na javnim površinama, poji psa na javnim česmama i bunarima namjenjenim za vodosnabdijevanje građana ili samostalno zbrinjava i hrani psa lutalicu na javnim površinama, u zajedničkim prostorijama i dvorištima i sl., ili ostavi leš ili leševe uginulih pasa na javnim površinama ili šumskim površinama ili kanalima ili na poljoprivrednom zemljištu, ili ukopava uginule pse van mjesta određenog za tu svrhu;
 - Nevakcinisanog/necijepljenog, neupisanog i neoznačenog psa izvede na javnu površinu (član 14. stav 7.);
 - Ne izvrši cijepljenje/vakcinisanje, registrovanje i označavanje/čipovanje psa (član 17. stav 1.);
 - Drži psa koji nije cijepljen/vakcinisan ili koji nije upisan u registar/upisnik pasa ili koji nije označen/čipovan (član 17. stav 2.);
 - Ne posjeduje propisanu službenu ispravu/dokument o upisu/registraciji i čipovanju psa, te vakcinaciji psa protiv bjesnila i obavljenom tretmanu protiv parazita (član 17. stav 3.);
 - Ne registrira psa ili pse u roku od sedam dana od dana sticanja vlasništva, ili ne odjavi psa u slučaju svakog gubitka posjeda životinje (nestanka, prodaje, darovanja, uginuća i sl.) u roku od sedam dana od nastalog događaja u nadležnoj općinskoj službi, te veterinarskoj organizaciji koja vodi registar pasa (član 19. stav 1.);

- Ne prijavi nabavku mladunčeta najkasnije do napunjenog četvrtog mjeseca njegove starosti (član 19. stav 2.);
 - Ako ne izvrši identifikaciju psa postavljanjem mikročipa u roku od sedam dana od dana prvog sticanja vlasništva, ili ako ne izvrši identifikaciju psa koji ne mijenja vlasnika nakon navršena tri mjeseca starosti, a najkasnije prilikom prvog cijepljenja protiv bjesnila (član 20. stav 2.);
 - Ukoliko ne osigura kontrolu razmnožavanja psa, te omogući i ne spriječi svako nekontrolisano i neplanirano razmnožavanje pasa (član 21. stav 1.);
 - Ne vodi računa o broju potomaka psa radi osiguranja prostornih i drugih uslova držanja u skladu sa propisima o veterinarstvu, zaštiti i dobrobiti životinja, te ovom odlukom (član 21. stav 2.);
 - Ako ne provodi preventivna djelovanja, sterilizaciju ili kastraciju životinje (član 21. stav 3.);
 - Ukoliko ne vrši hvatanje, sakupljanje, transport, smještaj i zbrinjavanje napuštenih i izgubljenih pasa, pasa koji se kreću javnom površinom bez nadzora posjednika, te pasa lualica, savremenim metodama, na human način i bez zlostavljanja, uz primjenu odgovarajuće opreme i prevoznih sredstava, protivno propisima o zaštiti i dobrobiti životinja i veterinarstvu (član 22. stav 2.);
 - Ako bez odlaganja ne prijavi nestanak životinje (član 23. stav 1.);
 - Ako napusti životinju (član 23. stav 2.);
 - Ako ne nadoknadi troškove eutanazije za kućne ljubimce (član 24. stav 2.).
- (2) Novčanom kaznom u iznosu od 200,00 KM kaznit će se i odgovorna osoba u pravnom licu za prekršaje iz člana 25., 26. i 27., a koje počini pravna osoba.
- (3) Novčanom kaznom u iznosu koji je određen za fizička lica, kaznit će se roditelj, odnosno staratelj maloljetnika za prekršaje iz člana 25., 26. i 27., a koje počini maloljetnik.

VIII. PROVOĐENJE I NADZOR

Član 28.

- (1) Provođenje odredbi ove odluke vrše službe za upravu Općine Breza, ovlaštene veterinarske organizacije, svako u okviru svoje nadležnosti.
- (2) Preduzimanje mjera za provođenje odredbi ove odluke smatra se hitnim i od posebnog je interesa za općinu Breza.
- (3) Nadzor nad provođenjem odredbi ove odluke vrše komunalno-ekološki kontrolori, te sanitarno-komunalni inspektor Općine Breza, svako u okviru svoje nadležnosti.
- (4) Policijski službenici MUP-a ZDK, Policijska stanica Breza, vrše provođenje i nadzor odredbi ove odluke u skladu sa svojim ovlaštenjima propisanim Zakonom o javnom redu i miru, Odlukom o javnom redu i miru (Službeni glasnik Općine Breza, broj: 5/17-prečišćeni tekst) i drugim propisima.
- (5) Kantonalna veterinarska inspekcija, u skladu sa svojim ovlaštenjima, vrši nadzor nad provođenjem odredbi ove odluke koje su uređene Zakonom o veterinarstvu BiH („Službeni glasnik BiH“, broj: 34/02), Zakonom o veterinarstvu Federacije BiH („Službene novine Federacije BiH“, broj: 46/00) i Zakonom o zaštiti i dobrobiti životinja („Službeni glasnik BiH“, broj: 25/09).

Član 29.

- (1) Prilikom vršenja nadzora nad poštivanjem odredbi ove odluke nadležni inspektori imaju slijedeća prava i obaveze:
 - da naredbe izvršenje obaveza utvrđenih ovom odlukom i preduzimaju preventivne, korektivne i represivne mjere i radnje izdavanjem usmenih ili pisanih naređenja ili upozorenja na licu mjesta ili naknadno po saznanju za počinjenu nepravilnost ili prekršaj;
 - da donose rješenja u pisanoj formi radi otklanjanja nepravilnosti u skladu sa Zakonom o organizaciji organa uprave u Federaciji BiH i Zakonom o upravnom postupku;
 - na licu mjesta izreknu novčanu kaznu prekršajnim nalogom;
 - podnesu zahtjev za pokretanje prekršajnog postupka;

- podnesu krivičnu prijavu, ukoliko je određeno postupanje predviđeno kao krivično djelo posebnim zakonom;
 - da preduzimaju i druge mjere za koje su ovlaštteni posebnim propisima.
- (2) Protiv rješenja nadležnog inspektora donesenog u pisanoj formi može se izjaviti žalba u roku od 15 dana od dana prijema rješenja.
- (3) Žalba izjavljena na rješenje nadležnog inspektora podnosi se Drugostepenoj komisiji za žalbe koju formira i imenuje Općinsko vijeće Breza, a ista ne odlaže izvršenje rješenja.

Član 30.

U slučaju kada jedan organ smatra da nije ovlašten postupati, bez odlaganja će u pismenoj formi ili usmenoj formi uz sačinjavanje službene zabilješke obavijestiti drugi nadležni organ o saznanjima koja ima radi hitnog postupanja tog organa.

IX. PRIJELAZNE I ZAVRŠNE ODREDBE

Član 31.

Posjednici pasa dužni su da izvrše registraciju i označavanje pasa, te način držanja pasa usklade sa odredbama ove odluke u roku od 3 mjeseca od dana stupanja na snagu ove odluke.

Član 32.

Danom stupanja na snagu ove odluke, prestaju da važi Odluka o uslovima, držanju i načinu postupanja sa kućnim ljubimcima i nezbrinutim životinjama ("Službeni glasnik Općine Breza", broj: 1/15).

Član 33.

Ova odluka stupa na snagu osmog dana od dana objavljivanja u "Službenom glasniku Općine Breza".

Br: 01/1-02-1132/18
Breza, 25.04.2018.

Predsjedavajući
općinskog vijeća
Vedad Jusić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 19. stav 1. tačka 19. Statuta Općine Breza ("Službeni glasnik Općine Breza", broj: 8/09 – Prečišćeni tekst) i člana 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17) Općinsko vijeće Breza, na sjednici održanoj dana 25.04.2018. godine, d o n o s i

ZAKLJUČAK

I

DAJE SE SAGLASNOST Hasanspahić Salihu, da u ime Osnivača a na prijedlog Općinskog načelnika predsjedava na 33. redovnoj sjednici Skupštine JP „Komunalno“ d.o.o. Breza.

II

Dnevni red 33. redovne sjednice Skupštine JP „Komunalno“ d.o.o. Breza je:

1. Izbor radnih tijela sjednice Skupštine preduzeća (zapisničara i ovjerivača zapisnika)
2. Razmatranje i usvajanje Prijedloga Statuta JP "Komunalno" d.o.o. Breza.

III

Prilikom glasanja o predloženoj tački Dnevnog reda - Razmatranje i usvajanje Prijedloga Statuta JP "Komunalno" d.o.o. Breza, ovlašteni punomoćnik će glasati „ZA“ Prijedlog Statuta.

IV

Zaključak objaviti u „Službenom glasniku Općine Breza“.

Broj: 01/1-02-1098/18

Breza,25.04.2018.godine.

PREDSJEDAVAJUĆI

Općinskog vijeća

Jusić Vedad,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Broj: 01/1-02-1139/18
Breza 25.04.2018.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o dimnjačarskoj djelatnosti, Općinsko vijeće Breza na sjednici održanoj dana 25.04.2018.godine, d o n o s i

ZAKLJUČAK**I**

UTVRĐUJE SE Nacrt Odluke o dimnjačarskoj djelatnosti.

Po utvrđenom Nacrtu Odluke o dimnjačarskoj djelatnosti, sprovesti javnu raspravu sa vijećnicima, predsjednicima mjesnih zajednica, i ostalim zainteresovanim licima Općine Breza.

II

Javnu raspravu sprovesti u periodu od 26.04.2018. do 21.05.2018.godine

III

Za realizaciju zaključka zadužuje se Služba za civilnu zaštitu.

IV

Zaključak objaviti u „Službenom glasniku Općine Breza“.

Dostavljeno:

1x Služba civilne zaštite,

1x 01/1,

1x a/a.

PREDSJEDAVAJUĆI

Općinskog vijeća

Jusić Vedad,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1140/18
Breza, 25-04-218.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Programa razvoja zaštite i spašavanja ljudi i materijalnih dobara od prirodnih i drugih nesreća Općine Breza za period od 2018.-2023.godine, Općinsko vijeće Breza na sjednici održanoj dana 25.04.2018.godine, d o n o s i

ZAKLJUČAK

I

UTVRĐUJE SE Nacrt Programa razvoja zaštite i spašavanja ljudi i materijalnih dobara od prirodnih i drugih nesreća Općine Breza za period od 2018.-2023.godine.

Po utvrđenom Nacrtu Programa razvoja zaštite i spašavanja ljudi i materijalnih dobara od prirodnih i drugih nesreća Općine Breza za period od 2018.-2023.godine, sprovesti javnu raspravu sa vijećnicima, predsjednicima mjesnih zajednica, i ostalim zainteresovanim licima Općine Breza.

II

Javnu raspravu sprovesti u periodu od 26.04.2018. do 21.05.2018.godine

III

Za realizaciju zaključka zadužuje se Služba za civilnu zaštitu.

IV

Zaključak objaviti u „Službenom glasniku Općine Breza.

Dostavljeno:
1x Služba civilne zaštite,
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1143/18
Breza, 25.04.2018.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 08/09-Prečišćeni tekst") prilikom razmatranja Izvještaja o ostvarivanju politike Općine Breza i aktivnostima Općinskog načelnika za 2017. godinu, Općinsko vijeće Breza na sjednici održanoj dana 25.04.2018. godine, donosi

ZAKLJUČAK**I**

USVAJA SE Izvještaja o ostvarivanju politike Općine Breza i aktivnostima Općinskog načelnika za 2017.

II

Zaključak objaviti u „Službenom glasniku Općine Breza“.

Dostavljeno:
1x Općinski načelnik
4x Pomoćnici Općinskog načelnika,
1x 01/1,
1x a/a

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1142/18
Breza, 25.04.2018.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za 2017.godine, Općinsko vijeće Breza na sjednici održanoj dana 25.04.2018.godine, d o n o s i

ZAKLJUČAK**I**

USVAJA SE Izvještaj o izvršenju Budžeta Općine Breza za 2017.godine.

II

Zaključak objaviti u „Službenom glasniku Općine Breza“.

Dostavljeno:
1x Služba za finan.inspek.posl. i opću upr.
1x Općinski načelnik,
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1164/18
Breza, 25.04.2018.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacije o Planu specijalizacije i suspecijalizacije zdravstvenih radnika ZDK za 20'18 godinu, Općinsko vijeće Breza na sjednici održanoj dana 25.04.2018.godine, d o n o s i

ZAKLJUČAK

I

PRIMA SE ka znanju Informacija o Planu specijalizacije i suspecijalizacije zdravstvenih radnika ZDK za 2018.godine.

II

Obavjezuje se Kolegij Općinskog vijeća da u što kraćem roku zauzme stav po istom.

III

Za realizaciju tačke II zadužuje se predsjedavajući Općinskog vijeća.

IV

Zaključak objeviti u „Služvenom glasniku Općine Breza“

Broj: 01/1-02-1164/18
Breza, 25.04.2018.godine

PREDSJEDAJUĆI
Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1076/18
Breza, 25.04.2018.godine

Na osnovu člana 16. Zakona o porezu na imovinu, naslijeđe i poklone („Službene novine Zeničko-dobojskog kantona“, broj 9/09), i člana 10. tačka 2. Zakona o porezu na promet nekretnina („Službene novine Zeničko-dobojskog kantona“, broj 6/09) i člana 19. tačka 18. Statuta Općine Breza („Službeni glasnik Općine Breza“, broj 8/09) Općinsko vijeće Breza na sjednici održanoj 25.04.2018. godine, d o n o s i

RJEŠENJE

o imenovanju predsjednika i članova Stručne komisije za procjenjivanje tržišne vrijednosti poreza na imovinu, naslijeđe i poklone i utvrđivanje prometne vrijednosti nepokretnosti

I

Za predsjednika i članove Stručne komisije za procjenjivanje tržišne vrijednosti poreza na imovinu, naslijeđe i poklone, i utvrđivanje prometne vrijednosti nepokretnosti imenuju se:

1. Salih Hasanspahić, predsjednik,
2. Ejub Salkić, član, član,
3. Nezaheta Čengiđ, član,

II

Zadatak Komisije iz člana I ovog Rješenja je da procjenjuje tržišnu vrijednost poreza na imovinu, naslijeđe i poklone na području Općine Breza u skladu sa Zakonom o porezu na imovinu, naslijeđe i poklone („Službene novine Zeničko-dobojskog kantona“, broj 9/09) i da procjenjuje prometnu vrijednost nepokretnosti na području Općine Breza u skladu sa Zakonom o porezu na promet nekretnina („Službene novine Zeničko-dobojskog kantona“, broj 6/09).

III

Imenovanje se vrši na period od 2 (dvije) godine.

IV

Predsjedniku i članovima komisije pripada novčana naknada za rad u visinu koju utvrđuje Općinsko vijeće.

V

Stupanjem na snagu ovog rješenja prestaje da važi rješenje broj:01/1-02-616/16 od 04.04.2016 god („Sl. glasnik Općine Breza broj:03/16“)

VI

Ovo rješenje stupa na snagu danom donošenja i objavit će se u „Službenom glasniku Općine Breza“.

DOSTAVLJENO:

3x Članovima komisije,
1x Porezna uprava Ispostava Breza,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1000/18
Breza, 12.04.2018.godine

Na osnovu člana 115. stav 3. Statuta Općine Breza („Službeni glasnik Općine Breza“, broj: 10/07 i 5/08) razmatranje Informacije o stanju sporta na području Općine Breza, Općinsko vijeće Breza na tematskoj sjednici održanoj dana 11.04.2018. godine, donosi

ZAKLJUČAK**I**

Općinsko vijeće izražava nezadovoljstvo prema odnosu nadležne Službe za finansije, inspekcijske poslove i opću upravu u smislu dostavljene Informacije i materijala za sjednicu Općinskog vijeća Breza.

II

Zadužuje se općinski načelnik da imenuje komisiju sa jednakom zastupljenošću svih predstavnika sporta i predstavnika nadležnih institucija kako bi izradila Strategiju razvoja sporta na području općine Breza za narednih 5 godina.

III

Da se sredstva iz Budžeta Općine Breza namjenjana za sport dodjeljuju u skladu sa kriterijima za raspodjelu a na osnovu zahtjeva za realizaciju sportskih programa i aktivnosti.

Da se prilikom izrade prijedloga Budžeta za narednu godinu rasčlane konta za budžetska sredstva na osnovu plana i programa sportskih društava, koja su dužna nadležnoj službi u postupku izrade prijedloga budžeta dostaviti Plan prihoda rashoda za tekuću godinu.

IV

Daje se podrška Općinskom načelniku i rukovodstvu FK „Rudar“ i FK „Mladost“ u rješavanju problema koji su nastali u ranijim godinama, sa posebnim fokusom na rješavanje deblokade računa FK „Rudar“ i rješavanja problema tužbe u FK „Mladost“.

V

Da općinsko vijeće u narednom periodu, najkasnije do septembra tekuće godine, organizuje i zakaže tematsku sjednicu na temu :“Rješavanje problematike sportske dvorane općine Breza“.

VI

Da Općinsko vijeće pokrene inicijativu o izmjenama Zakona o sportu, kako bi se u Budžetu mogla planirati veća Budžetska sredstva kojim će se omogućiti stabilnije finansiranje sportskih programa na lokalnom nivou.

VII

Za realizaciju tačke II Zaključka zadužuje se općinski načelnik, za realizaciju tačke III zadužuje se služba za finansije, inspekcijske poslove i opću upravu, za realizaciju tačke V i VI Zaključka, zadužuje se predsjedavajući općinskog vijeća i predsjednici Klubova parlamentarnih stranaka.

VII

Zaključak objaviti u Službenom glasniku općine Breza.

Dostavljeno:

1xPredsjedavajući OV,
1x Općinski načelnik Općine Breza
1x Služba za fin.,insp.posl. i op.upravu
1x 1/1,
1x a/a

PREDSJEDAVAJUĆI
Općinskog vijeća
Jusić Vedad,s.r

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinski načelnik -

Na osnovu člana 37. tačka 4. I tačka 6. Statuta Općine Breza („Službeni glasnik Općine Breza“, broj: 8/09-Prečišćeni tekst, na zahtjev JP „Komunalno“ d.o.o. Breza, a na prijedlog Službe za privredu, Općinski načelnik, dana 26.04.2018. godine, d o n o s i

O D L U K U
o odobravanju sredstava JP Komunalno“d.o.o. Breza
za nabavku opreme – 15 kontejnera zapremine 1 100 litara i izgradnju četiri
nadstrešnice

Član 1.

(Predmet)

Odobravaju se sredstva JP „Komunalno“ d.o.o. Breza u iznosu od 11.794,71 KM (slovima: jedanaest hiljad sedam stodevedeset četiri i 71/100 konvertibilnih maraka) za nabavku opreme – 15 kontejnera zapremine 1 100 litara i izgradnju nadstrešnica – četiri komada (zelenih otoka u užem urbanom području grada).

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Općine Breza za 2018. godinu („Službene glasnik Općine Breza“, broj: 12/18), ekonomski kod 61500, pozicija „Kapitalni grantovi“, 615411, Kapitalni grant JP „Komunalno“ d.o.o. Breza.

(2) Nabavku opreme i izgradnju zelenih otoka iz člana 1. će obaviti JP „Komunalno“ d.o.o. Breza u skladu sa Zakonom o javnim nabavkama („Službeni glasnik Bosne i Hercegovine“, broj: 39/14).

Član 3.

(Provođenje Odluke)

Za provođenje ove odluke zadužuju se Služba za finansije, inspeksijske poslove i opću upravu, Služba za privredu i JP „Komunalno“ d.o.o. Breza, svako u okviru svoje nadležnosti.

Član 4.

(Izveštavanje)

JP „Komunalno“ d.o.o. Breza dužno je izvjestiti Službu za finansije, inspeksijske poslove i opću upravu o utrošku sredstava (kopija uplate sredstava dobavljaču).

Član 5.

(Stupanje na snagu)

Odluka stupa na snagu danom donošenja i bit će objavljena u „Službenom glasniku Općine Breza“

Broj: 01/2 05-14-1244/18.

Datum, 26.04.2018. godine

Općinski načelnik

Mr.Sci. Munib A. Zaimović.s.r

DOSTAVLJENO:

1x Služba za finansije, inspeksijske poslove i opću upravu,

1x Služba za privredu,

1x JP „Komunalno“ d.o.o. Breza,

1x „Službeni glasnik Općine Breza“,

1x a/a.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinski načelnik -

Broj: 01/2-14-1233/18
Breza, 27.04.2018. godine

Na osnovu člana 115. Statuta Općine Breza ("Službeni glasnik Općine Breza", broj 8/09 — Prečišćeni tekst), Općinski načelnik donosi

O D L U K U

Da se iz budžetskih rezervi Budžeta Općine Breza za 2018 godinu izdvoji iznos od 16.386,50 KM (Konto 999999) i preusmjeri na poziciju Ostali tekući rashodi (Konto 614819).

Za realizaciju Odluke zadužuje se Općinski načelnik, Služba za privredu i Služba za finansije, inspekcijske poslove i opću upravu.

Odluku objaviti u „Službenom glasniku Općine Breza”.

Općinski Načelnik
Mr.sci. Munib A. Zaimović,s.r

S A D R Ž A J

80. Odluka o usvajanju planova potencijalnih projekata javno-privatnog partnerstva.
86. Odluka o kriterijima, načinu i postupku raspodjele budžetskih sredstava Općine Breza iz grantova za sufinansiranje projekata udruženja u oblasti sporta, kulture, obrazovanja i drugih oblasti.
92. Odluka o privremenom zauzimanju javnih površina na području Općine Breza.
95. Odluka o utvrđivanju visine naknade za rad upravnih odbora u javnim ustanovama kojima je osnivač Općina.
96. Odluka o usvovima i načinu držanja pasa, te načinu postupanja sa napuštenim i izgubljenim psima na području općine Breza.
105. Zaključak o davanju saglasnosti Hasanspahić salihu da prredsjedava 33 redovnoj Skupštini JP“Komunalno“ d.o.o. Breza.
106. Zaključak o utvrđivanju Nacrta Odluke o dimnjačarskoj djelatnosti.
107. Zaključak o usvajanju nacrta Programa razvoja zaštite i spašavanja ljudi i materijalnih dobara od prirodnih i drugih nesreća Općine Breza za period od 2018 do 2023.godine
108. Zaključak o usvajanju Izvještaja o izvršenju Budžeta Općine Breza za 2018.g.
109. Zaključak o primanju na znanje Informacije o Planu specijalizacije i uspecijalizacije zdravstvenih radnika ZDK za 2018. godinu.
109. Rješenje o imenovanju predsjednika i članova Stručne komisije za procjenjivanje tržišne vrijednosti poreza na imovinu, naslijeđe i poklone i utvrđivanje prometne vrijednosti nepokretnosti.
110. Zaključak sa tematske sjednice o stanju sporta na području Općine Breza.
112. Odluka o odobravanju sredstava JP Komunalno“d.o.o. Breza za nabavku opreme – 15 kontejnera zapremine 1 100 litara i izgradnju četiri nadstrešnice
113. Odluka o izdvajanju sredstava iz Budžetske rezerve za 2018 godinu.

